

唐
音
統
籤

戊籤餘五十五徐夔之四 唐音統籤卷八百六

七言律詩三

曲江宴日呈諸同年

鷓鴣驚與鳳凰同忽向中興遇至公金榜連名昇
碧落紫花封物出瓊宮天知惜日遲遲暮春爲催
花旋旋紅好是慈恩題了望白雲飛盡塔連空

獻內翰楊侍郎

窓開青瑣見瑤臺冷拂星辰逼上台丹鳳詔成中
使取白龍香近聖君來欲言溫署三緘口閒賦宮
詞八斗才莫擬吟雲避榮貴廟堂玉鉉待鹽梅

輦下贈屯田何員外

昔章頻得帝咨嗟，報國惟將直破邪。
身到西山書幾達，官登南省鬢初華。
厨非寒食還無火，菊待重陽擬泛茶。
內翰好才兼好古，秋來應數訪君家。

贈垂光

丹桂攀來十七春，如今始見茜袍春。
須知紅杏園中客，終作金鑾殿裏臣。
逸少家風惟筆札，玄成世業是陶鈞。
他時黃閣朝元處，莫忘同年射策人。
尚書榮拜恩命，負疾中輒課小詩二首以申

攀讚

明公家鑿鳳凰池弱冠封侯四海推富貴有期天
授早關河多難勅來遲昴星入傑當王佐黃石仙
翁識帝師昨日詔書猶漏缺未言商也最能詩
東郊迎入紫泥封此日天仙下九重三五月明臨
闕澤百千人衆看王恭旗傍綠樹遙分影馬踏浮
雲不見蹤借問乘輅何處客相庭雄幕卷芙蓉

賀清源太保王延彬

一首

蓋珠宮裏神仙謫八載溫陵萬戶開心地濶於雲
夢澤官資高却太行山姜牙兆寄熊羆內陶侃文
成掌握問應笑清溪舊門吏年年扶病掩柴關

武榮江畔祥雲蔭
寵拜天人慶郡人
五色鶴綾花
上敕九霄龍尾道
邊臣英雄達處誰
言命富貴來
時自逼身更待春
風飛吉語紫泥分
付與陶鈞

府主僕射王搏生日

光化三年巳未八月獻

熊羆先兆慶垂休
天地氤氳瑞氣浮
李樹影籠周柱史
昴星光照漢鄴侯
數鍾龜鶴千年筭
律正統坤八月秋
勲業定應歸禹裔
生靈豈獨化東甌

喜雨上主人尚書

天皇懷袂勅神龍
雨我公田兆歲豐
幾日淋漓侵暮角
數宵滂沛徹晨鐘
細如春霧籠平野
猛似秋

風擊古松門下十年耕稼者坐來偏憶翠微峰

上盧三拾遺以言見黜

骨鯁如君道尚存近來人事不須論疾危必厭神
明藥心惑多嫌正直言冷眼靜看真好笑傾懷與
說却爲冤因思周廟當時誠金口三緘示後昆

依韻贈嚴司直

曾轉雙蓬到玉京宣尼恩奏樂卿名歌殘白石扣
牛角賦換黃金愛馬卿滄海二隅身漸老太行千
疊路難行夫君才大官何小堪恨人間事不平

依韻酬常循州

早年花縣拜潘郎尋忝飛鳴出桂堂日走青天長
似箭人同紅樹幾經霜帆分南浦知難別駕在東
川更可傷公論一麾將塞詔且隨徵令過瀟湘

贈黃校書先輩璞閒居

取得驪龍第四珠退依僧寺卜貧居青山入眼不
干祿白髮滿頭猶著書東澗野泉添碧沼南園夜
雨長秋蔬月明掃石吟詩坐諱却全無擔石儲

贈表弟黃校書較

昔居平溪今居
近市入市五里

產破身窮爲學儒我家諸表愛詩書巖陵雖說臨
溪隱晏子還聞近市居住佳句麗偷紅茜葛吟感冷

落白蟾蜍閒來共話無生理今日悠悠事總虛

贈楊著作

藻麗熒煌冠士林白華榮養有曾參十年去里金門改八歲能詩相座吟李廣不侯身漸老子山操賦恨何深釣魚臺上頻相訪共說長安淚滿襟

渤海賓貢高元固先輩閩中相訪云本國人寫得黃斬蛇劍御溝水人生幾何賦皆以金書列爲屏墮因而有贈

折桂何年下月中閩山來問我雕蟲肯銷金翠書屏上誰把芻蕘過日東郊子昔時遭孔聖由余往

日諷秦宮嗟嗟六國金門士幾個人能振素風

贈月君

山妻字月君伏兄文選中領
彥先亦有贈頌詞因抒此詠

出水蓮花比性靈三生塵夢一時醒神傳尊勝陀
羅呪佛授金剛般若經懿德好書添女誠素容堪
畫上銀屏鳴梭軋軋織纖手窓戶光流織女星

病中春日卽事寄主人尚書

一首

身比秋荷覺漸枯致君經國墮前圖層水照日猶
能暖病骨逢春却未蘇鏡裏白鬚捋又長枝頭黃
鳥靜還呼庾樓恩化通神聖何計能教擲得虛
風拍衰肌久未蠲被窓頻見月團圓更無舊日陳

人間只有多情太守憐
照內送將三折股
歲陰分與五銖錢
玄穹若假年
陰在願捧銅盤爲國賢

溫陵殘臘書懷寄崔尚書

濟川無楫擬何爲
三傑還從漢祖推
心學庭槐空發火
鬢同門柳卽垂絲
中興未遇先懷策
除夜相催也
課詩江上年年接
君子一杯春酒一杯茶

寄華山司空表聖

金闕爭權競獻功
獨逃徵詔臥三峰
雞群未必容同鶴
蛛網何由捕得龍
清論盡應書國史
靜籌皆可息
邊烽風霜落滿千株木
不近青青澗底松

非雲非鶴不從容，誰敢輕量傲世蹤。
紫殿幾徵王佐業，青山未拆詔書封。
閒吟每待秋空月，早起長先野寺鐘。
前古負才多爲國，滿懷經濟欲何從。

寄盧端公同年仁烱時遷都洛陽新立幼主
上陽宮闕翠華歸，百辟傷心序漢儀。
崑岳有炎瓊玉碎，洛川無竹鳳凰饑。
須簪白筆匡明主，莫許黃瓜博少師。
惆悵宸居遠於日，長吁空摘鬢邊絲。

寄天台陳希叟

陰山水凍嘗迎夏，蟄戶雲雷只待春。
呂望豈嫌垂釣老，西施不恨浣紗貧。
坐爲羽獵車中相，飛作君

王掌上身拍手相思惟大笑我曹寧比等閒人

寄兩浙羅書記

進却湮沈退却升錢塘風月過金陵鴻才入貢無人換白首從軍有詔徵博簿集成時輩罵讒書編就薄徒憎憐君道在名長在不到慈恩最上層

邑宰相訪翼日有寄

淵明深念却詵貧踏破莓苔看旣塵碧沼共攀紅茵萑金鞍不御紫麒麟殘陽妬害催歸客薄酒甘嘗罰主人夜半夢醒追復想欲長攀接有何因

東歸出城留別知己

常蒙屈指許非才三載長安共酒杯欲別未攀楊柳贈相留擬待牡丹開寒隨御水波光散暖逐衙陽鴈影來它日因書問衰颯東溪須訪子陵臺

送劉常侍

懷君何計更留連忍送文星上碧天杜預注通三十卷漢皇枝紹幾千年言端信義如明月筆下篇章似湧泉他日有書隨鴈足東溪無令訪漁船

送盧拾遺歸華山

紫殿諫多防伎口清秋假滿別明君惟憂急詔歸青瑣不得經時臥白雲千載茯苓攜鶴斲一峰仙

常爲僧分門前舊客期相薦猶望飛書及主文

送王校書往清源

南國賢侯待德風長途仍借九花驄清歌早貫驪
龍額丹桂曾攀玉兔宮楊柳堤邊梅雨熟鷓鴣聲
裏麥田空吟詩臺上如相問與說礪溪直釣翁

春末送陳先輩之清源

貧中惟是長年華每羨君行自歎嗟歸日捧持明
月寶去時期刻刺桐花春風避雨多遊寺曉騎聽
雞早入衙千乘侯王若相問飛書與報白雲家

岳州端午日送人遊郴連

五月巴陵值積陰
送君千里客于郴
北風吹雨黃梅落
西日過湖青草深
競渡岸傍人挂錦
採芳城上女遺簪
九疑雲濶蒼梧暗
與說重華舊德音

潘丞相舊宅

綠樹垂枝蔭四鄰
春風還似舊時春
年年燕是雕梁主
處處花隨落月塵
七貴竟爲長逝客
五侯尋作不歸人
秋槐影薄蟬聲盡
休謂龍門待化鱗

經過廣平員外舊宅

門巷蕭條引涕洟
遺孤三歲著麻衣
綠楊樹老垂絲短
翠竹林荒著筍稀
結社僧因秋朔弔
買書船

近葬時歸平生欲獻匡君策抱病猶言未息機

經過翰林楊左丞池亭

八角紅亭蔭綠池一朝青草蓋遺基
薔薇藤老開花淺翡翠巢空落羽
竒春榜幾深門下客樂章多
取集中詩平生德義人間誦身後何勞更立碑

傷前翰林楊左丞贊圖

飛上鰲頭侍玉皇三台遺耀換餘光
人間擲管窮蒼頡地上修文待卜商
貞魄肯隨金石化真風留伴蕙蘭香
皇天未啓昇平運不使伊臯相禹湯

卷終

戊籤餘五十五徐夤之五 唐音統籤卷八百七

七言律詩四

讀史

亞父淒涼別楚營天留三傑翼龍爭高才無主不能
用直道有時方始平喜愠子文何穎悟卷藏蘧
瑗甚分明瀆知飲啄由天命休問黃河早晚清

魏

伐罪書勳令不常爭教爲帝與爲王十年小忍誅
桓邵一檄深雋怨孔璋在井蠶龍如屈伏食槽驕
馬忽騰驤奸雄事過分明見英識空懷許子將

蜀

雖倚關張敵萬夫，豈勝恩信作良圖。
能均漢祚三分業，不負荊州六尺孤。
綠水有魚賢已得，青桑如蓋瑞先符。
君王幸得中山後，建國如何號蜀都。

兩晉

三世深謀啟帝基，可憐孀婦與孤兒。
罪歸成濟皇天恨，戈犯明君萬古悲。
巴蜀削平輕似紙，勾吳吞却美如飴。
誰知高鼻能知數，競向中原簸戰旗。

宋
二首

天爵休將儋石論，一身恭儉萬邦尊。
賄將金帶鸞

寰海留得耕衣，鹹子孫締構，不應饒漢祖奸雄。何足數王敦草中求活，非吾事。豈肯橫身向廟門。百萬人共一擲，輪玄穹。惟與道相符，豈知紫殿新天子。只是丹徒舊，齋夫五色龍章身。早見六終鴻業數難逾。三年未得分明夢，却爲蘭陵起霸圖。

陳

三感昏昏中紫宸，萬機拋却醉臨春。書中不禮隋文帝，井底常攜張貴嬪。玉樹歌聲移入哭，金陵天子化爲臣。兵戈半渡前江水，狎客猶聞爭濁漣。

山陰故事

坦腹夫君不可逢，千年猶在播英風。
紅鸞化鶴青天遠，綵筆成龍綠水空。
愛竹只因憐直節，書裙多是爲奇童。
吹笙縱嶺登仙後，東注清流豈有窮。

覽柳渾汀洲採白蘋之什因成

採盡汀蘋恨別離，鴛鴦鴻鴈總雙飛。
月明南浦夢初斷，花落洞庭人未歸。
天遠有書隨驛使，夜長無燭照寒機。
年來泣淚知多少，重叠成痕在繡衣。

月

碧落誰分造化權，絳霜凝雪作嬋娟。
寒蟬若不關三穴，狡兔何從上九天。
莫見團圓明處遠，須看彎

曲鑿時偏卻說樹老堯糞換惆悵今年似去年

新月

雲際嬋娟出又藏美人腸斷拜金方嫦娥一隻眉
先掃織女三分鏡未光珠箔寄鈎懸杳靄白龍遺
爪印穹蒼更期十五圓明夜與破陰霾照八荒

雲

漠漠沉沉向夕暉蒼梧巫峽兩相依天心白日休
空蔽海上故山應自歸似蓋好臨千乘載如羅堪
翦六銖衣爲霖須救蒼生旱莫向西郊作雨稀

雨

引電隨龍密又輕酒杯閒喫得佳名千山草木和
雲暗陸地波瀾接海平灑竹幾添春睡重滴簷偏
遣夜愁生陰妖冷孽成何性敢蔽高天日月明

風

城上寒來思莫窮土囊萍末兩難同飄成遠浪江
湖際吹起暮塵京洛中飛雪蕭條殘臘節落花狼
籍古行宮春能和煦秋搖落生殺還同造化功

霞

天際何人濯錦歸偏宜殘照與晨暉流爲洞府千
年滴化作靈山幾襲衣野燒燄連殊赫奕愁雲陰

隔乍依稀勞生願學長生術餐盡紅桃上漢飛

露

鶴鳴先警鴈來天洗竹沾花處處鮮散彩幾當蟬
飲際凝光宜對蚌胎前朝垂苑草煙猶重夜滴宮
槐月正圓怵惕與霜同降日蘋蘩思薦獨凄然

霜

應節誰窮造化端菊黃豺祭問應難紅窓透出鴛
衾冷白草飛時鴈塞寒露結芝蘭瘦屑厚日乾葵
藿粉痕殘世間無比催搖落松竹何人肯便看

煙

燎野焚林見所同，惹空橫水展形容。能滋甘雨隨
車潤，不並行雲逐客蹤。晴鳥廻籠嘉樹薄，春亭嬌
幕好花濃。有時片片風吹去，海碧山青過幾重。

和尚書詠煙

無根無蒂結還融，曾觸嵐光徹底空。不散幾知難
畢兩，欲飛須待落花風。玲瓏薄展鮫綃片，羃歷輕
含鳳竹叢。瓊什捧來思舊隱，撲窓穿戶曉溟濛。

曉

水盡銅龍滴漸微，景陽鐘動夢魂飛。潼關雞唱促
歸騎，金殿燭殘求御衣。窓下寒機猶自織，梁間棲

燕欲雙飛羲和晴尊扶桑轡借與寰瀛看早暉

夜

日墜虞淵燭影開沉沉煙霧壓浮埃剡川雪滿子猷去漢殿月生王母來簷挂蛛絲應漸織風吹螢火不成灰愁人莫道何時旦自有鐘鳴漏滴催

水

火性何如水性柔西來東出幾時休莫言通海能通漢雖解浮舟也覆舟湘浦暮沉堯女怨汾河秋泛漢皇愁洪波急湍歸何處二月桃花滿眼流

泉

非鑿非疏出洞門源深流峻合還分高成瀑布漱
逋客清入御溝朝聖君迸滴幾山穿破石迅飛層
嶠噴開雲舊齋一帶連松竹明月窓前枕上聞

東

紫氣天元出故關大明先照九嶷間鰲山海上秦
娥去鱸膾江邊齊椽還青帝郊垌平似砥主人階
級峻如山蟠桃樹在煙濤水解凍風高未得攀

南

翠翠嘉魚憶此方送君前浦艱難量火山遠照蒼
梧郡銅柱高標碧海鄉陸賈幾時來越島三閭何

日濯滄浪鍾儀冠帶歸心阻蝴蝶飛園到草芳

西

密雲郊外已回秋日下噓蟄景懶收秦帝城高堅
似鐵李斯書上曲如鈎寧惟東岳凌天秀更有長
庚瞰曙流見說山傍偏出將犬戎降盡復何愁

北

雪滿胡天日影微李君降虜失良時窮溟駕浪鷗
鵬化極海寄書鴻鴈遲
來猶未放殘兵奔
去杳難追可憐燕谷花間晚鄒律如何爲一吹

淚

發事牽情不自由偶然惆悵卽難收已聞抱玉沾
衣濕見說迷途滿目流滴盡綺羅紅燭暗墮殘粧
閣曉花羞世間何處偏留得萬點分明湘水頭

夢

月落燈前閉北堂神覓交人杳冥鄉文通毫管醒
來異武帝薈蕪覺後香傳說已徵賢可輔周公不
見恨何長生松十八年方應通塞人間豈合忙

別

酒盡歌終問後期泛萍浮梗不勝悲東門疋馬夜
歸處南浦片帆飛去時賦罷江淹吟更苦詩成蘇

武思何遲可憐范陸分襟後空折梅花寄所思

愁

夜長偏覺漏聲遲
往往隨歌慘翠眉
黃葉落催砧
杵日子規啼
破夢蒐時明妃去
泣千行淚蔡琰歸
梳兩髻絲四皓入山招不得無家歸客最堪欺

恨

事與時違不自由
如燒如刺寸心頭
烏江項籍忍
歸去鴈塞李陵長繫留
燕國飛霜將破夏
漢宮統
扇豈禁秋淚知入骨
難銷處莫比人間取
次愁

忙

雙龍舟疾似風一星球子兩朋同平吳破蜀三
餘裏滅楚圖秦百戰中春近杜鵑啼不斷寒催歸
鴈去何窮兵還失路旌旗亂驚起紅塵似轉蓬

閒

不管人間是與非白雲流水自相依一瓢掛樹傲
時代五柳種門吟落暉江上翠娥遺佩去岸邊紅
袖採蓮歸客星辭得漢光武却坐東江舊蘚磯

詠錢

多蓄多藏豈足論有誰還議濟王孫能於禍處翻
爲福解向貧家買得恩幾惟鄧通難免餓須知夷

甫不曾言朝爭暮競歸何處盡入權門與佞門

尚書惠蠟面茶

武夷春暖月初圓採摘新芽獻地仙飛鵲印成香
蠟片啼猿溪走木蘭船金槽和碾沉香末冰椀輕
涵翠縷煙分贈恩深知最異晚鑄宜煮北山泉

貢餘秘色茶盞

擘碧融青瑞色新陶成先得貢吾君巧剡明月染
春水輕旋薄冰盛綠雲古鏡破苔當席上嫩荷涵
露別江濱中山竹葉香初發多病那堪中十分

白酒兩瓶送崔侍御

雪化霜融好澗醅滿壺冰凍向春開求從白石洞
中得携向百花岩畔來幾夕露珠寒貝齒一泓銀
水冷瓊杯湖邊送與崔夫子誰見稽山盡日顏

謝主人惠綠酒白魚

早起鵲聲頻送喜白魚芳酒寄來珍馨香乍揭春
風甕撥刺初辭夜雨津樽潤最宜澄桂酒網踈殊
未損霜鱗不曾垂釣兼親醞堪愧金臺醉飽身

詠筆二首

秦代將軍欲建功截龍搜兔助英雄用多誰念毛
皆拔拋却更嫌心中中史氏只因歸道直江淹何

獨偶靈通班超握管不成事投擲翻從萬里戎
君子三歸擅一名秋毫雖細握非輕軍書羽檄教
誰錄帝命王言待我成勢健豈饒泥水陣鋒銛還
學歷山耕毛乾時有何人潤盡把燒焚恨始平

尚書新造花箋

濃染紅桃二月花只看神筆縱龍蛇淺澄秋水看
雲母碎擊輕苔間粉霞寫賦好追陳后寵題詩堪
送寶滔家使君卽入金鑾殿夜直無非草白麻

詠扇

爲發涼颺滿玉堂每親襟袖便難忘霜凝雪暗知

何在道契時來忽自揚曾伴一樽臨小檻幾遞殘
日過迴廊漢宮如有秋風起誰信班妃淚數行

溪上要一隻白簾扇蓋頭垂釣去年就節推
侍御請之蒙惠一柄紫花紋者雖則鱗華具
在紕薄不及清源所出因就南郡陳常侍請
之遂成拙句

難求珍筴過炎天遠就金貂乞月圓直在引風欬
角枕且圖遮日上漁船但令織取無花簾不用挑
爲飲露蠟莫道如今時較晚也應留得到明年

釣車

荻灣漁客巧粧成，
錘鑄銀星一點輕。
拋過碧江灘，
鷗岸輒。金井轆轤聲，
軸磨驛角冰。
光滑輪卷春，
綠水而平。把向嚴灘尋，
轍迹漁臺基在，
輾難傾。

尚書筵中詠紅手帕

鶴綾三尺曉霞濃，
送與東家二八容。
羅帶繡裙輕，
好繫藕絲紅。
縷細初縫別，
來拭淚遮桃臉。
行去包香墮，
粉胸無事把將，
纏皓腕爲君池上折芙蓉。

剪刀

寶持多用繡爲囊，
雙日交加兩鬢霜。
金匣掠平花，
翡翠綠窓裁破錦。
鴛鴦初裁連理枝，
猶短誤縮同。

心帶不長欲製縵袍先把看質非統綺愧銛鏘

詠燈

分影由來恨不同緣窓孤館兩何窮
焚煌短焰長疑暗零落殘花旋委空
幾處隔簾愁夜雨誰家當戶怯
秋風莫言明滅無多事曾比人生一世中

燈花

點蠟燒銀却勝裁九華紅豔吐玫瑰
獨含冬夜寒光拆不傍春風煖處開
難見只因能送喜莫挑唯恐墜成灰
貪膏附熱多相誤爲報飛蛾罷拂來

帆

豈勞孤棹送行舟輕過天涯勢未休
斷岸曉看殘月掛遠灣寒背夕陽秋
川平直可追飛箭風健還能泝急流
幸遇濟川恩不淺北溟東海更何愁

詠簾

素節輕輕透影勻何人巧思間成文
閒隨別殿風應度半捲行宮麝欲熏
繡戶遠籠寒焰重玉樓高挂曙光分
無情幾恨黃昏月纔到如鈎便墮雲

紙帳

幾笑文園四壁空碎寒深入剡藤中
誤懸謝守澄江練自宿嫦娥白兔宮
幾疊玉山開洞壑半巖春

霧結房櫺針羅截錦饒君侈爭及蒙茸煖避風

紙被

文采鴛鴦罷合歡細柔輕綴好魚牋一床明月益
歸夢數尺白雲籠冷眠披對勁風溫勝酒擁聽寒
雨暖於綿赤眉豪客見皆笑却問儒生直幾錢

戊鍬餘五十五徐夤之六 唐音統鍬卷八百八

七言律詩五

梅花

瓊瑤初綻嶺頭葩
葉粉新粧姹女家
舉世更誰憐
潔白癡心皆盡愛
繁華玄冥借與三
冬景
謝氏輪他六
出花結實和羹知
有日肯隨羌笛落天涯

牡丹花 二首

看遍花無勝此花
翦雲披雪蘸丹砂
開當青律二三月
破却長安千萬家
天縱穠華剽鄙吝
春教妖艷妬豪奢
不隨寒令同時放
倍種雙松與辟邪

萬萬花中第一流
淺霞輕染嫩銀甌
能狂綺陌千金子也
或朱門萬戶侯
朝日照開攜酒看
暮風吹落遶欄收
詩書滿架塵埃撲
盡日無人畧舉頭

尚書座上賦牡丹
花得輕字其花自越中移
植

流蘇疑作瑞華精
仙閣開時麗日晴
霜月冷銷銀燭焰
寶甌圓印綵雲英
嬌含嫩臉春粧薄
紅蘸香綃艷色輕
早晚有人天上去
寄他將贈董雙成

依韻和尚書再贈牡丹花

爛銀基地薄紅粧
羞殺千花百卉芳
紫陌昔曾遊

寺看朱門今再遶欄望龍公
雨資嬌態天與春
風發好香多着黃金何處
輕梳挑過鏡湖光

郡伯惜牡丹花

腸斷東風落牡丹爲祥爲瑞久留難
青春不駐堪垂淚紅艷已空猶倚欄
積蘚不銷香藥盡晴陽高照露華乾
明年萬葉千枝長倍發芳菲借客看

惜牡丹

今日狂風揭錦筵預愁吹落夕陽天
閒看紅豔只須醉謾惜黃金豈是賢
南國好偷誇粉黛漢宮宜摘贈神仙
良時雖作鶯花主白馬主孫恰少年

憶牡丹

綠樹多和雪霰栽長安一別十年來
王侯買得價偏重桃李落殘花
始開宋玉鄰邊腮正嫩文君機
上錦初裁滄洲春暮空腸斷
畫看猶將勸酒杯

追和白舍人詠白牡丹

倍蕾抽開素練囊瓊葩薰出白龍香
裁分楚女朝雲片剪破嫦娥夜月光
雪句豈須徵柳絮粉腮應恨貼
梅粧檻邊幾笑東籬菊冷折金風待降霜

菊花

桓景登高事可尋黃花開處綠畦深
消灾辟惡君

須採冷露寒霜我自禁籬
槿早榮還早謝澗松同
德復同心陶公豈是居貧
者刺有東籬萬朶金

司直巡官無諸移到玫瑰花

芳菲移自越王臺最似薔薇好並栽
穠豔盡憐勝
綵繪嘉名誰贈作玫瑰春成錦繡風吹拆
天染瓊
瑶日照開爲報朱衣早邀客莫教零落委蒼苔

松

澗底青松不染塵未逢良匠競誰分
龍盤勁節巖
前見鶴唳翠梢天上聞大厦可營誰擇木
女蘿相
附欲凌雲皇王自有增封日脩竹徒勞號此君

畫松

澗底陰森驗筆精
筆間開展覺神清
曾當月照還無影
若許風吹合有聲
枝偃只應玄鶴識
根深宜與茯苓生
天台道士頻來見
說似株株倚赤城

柳

漠漠金條引線微
年年光翠報春歸
解籠飛靄延芳景
不逐亂花飄夕暉
啼鳥噪蟬堪悵望
舞煙搖水自因依
五株名顯陶家後
見說辭榮種者稀

竹

翠染琅玕粉漸開
東南移得會稽栽
游絲挂處漁

竿去綠水夾時龍影來風觸有聲含六律露沾如
洗絕浮埃王猷舊宅無人到抱却清陰蓋綠苔

筍鞭

筍竹巖邊剔翠苔錦江波冷洗玫瑰纍纍節轉蒼
龍骨寸寸珠聯巨蚌胎須向廣場驅駟駿莫從閒
處撻鴛鴦寧同晉帝環營日拋賺中途後騎來

荔枝 二首

朱彈星丸爍日光綠瓊枝散小香囊龍綃殼綻紅
紋粟魚目珠涵白膜漿梅熟已過南嶺雨橘酸空
待洞庭霜蠻山蹋曉和煙摘拜捧金盤獻越王

日日薰風捲瘴煙南園珍菓荔枝先靈鴉啄破瓊
津滴寶氣盛來蚌腹圓錦里只聞消醉渴藥宮惟
合贈神仙何人刺出腥腥血深染羅紋遍殼鮮

苔

印留麋鹿野禽蹤巖壑漁磯幾處逢金谷曉凝花
影重章華春映柳陰濃石橋羽客遺前迹陳閣才
人沒舊容歸去掃除堦砌下蘚痕殘綠一重重

萍

爲實隨流瑞色新泛風縈草護遊鱗密行碧水澄
涵月澹滯輕橈去採蘋比物何名腰下劍無根堪

並鏡中身平湖春渚知何限撥破閒投獨蠶綸

蒲

灌秀盤根在碧流紫茵含露向晴抽編爲細履隨
君步織作輕帆送客愁疎葉稍爲投餌釣密叢還
碍採蓮舟鴛鴦鷓鴣多情甚日日雙雙遶傍游

草

廢苑荒堦伴綠苔恩疎長信恨難開姑蘇麋鹿應
思食楚澤王孫已不來色嫩似將藍汁染葉齊如
把剪刀裁燕昭沒後多卿士千載流芳郭隗臺

鶴

闕苑瑤臺歲月長一歸華表好增傷
新聲乍警初零露折羽閒飛幾片霜
要伴神仙歸碧落豈隨龜鴈往西塘
三山頂上無人處瓊樹堪巢不死鄉

鴻

行如兄弟影連空春去秋來燕不同
紫塞別當寒露白碧山飛入暮霞紅
宣王德美周詩內蘇武書傳漢苑中
况解射蘆避弓箭一聲歸喚楚天風

宮鶯

領得春光在帝家早從深谷出煙霞
閒棲仙禁日邊柳饑啄御園天上花
睨曉只宜陪閣鳳間關多

是問宮娃可憐鵝鵝矜言語長閉雕籠歲月賒

鷹

害物傷生性豈馴且宜籠罩待知人惟擒燕雀啗
腥血却笑鸞鳳啄翠筠狡兔穴多非爾識鳴鳩脰
短哥君身豪門不讀詩書者走馬平原放玩頻

鵲

神化難源瑞卽開雕陵毛羽出塵埃香閨報喜行
人至碧漢填河織女回明月解隨烏繞樹青銅寧
愧雀爲臺瓊枝翠葉庭前植從待翩翩去又來

鷺

從待啣泥濺客衣百禽靈性比他稀何嫌何恨秋
須去無約無期春自歸鵬鵠不容應自惟棟梁堪
庇願相依吳王宮女嬌相襲合整雙毛預奮飛

雙鷺

雙鷺雕籠昨夜開月明飛出立庭隈但教綠水池
塘在自有碧天鴻鴈來清韻叫霜歸島樹素翎遺
雪落漁臺何人爲我追尋得重勸溪翁酒一杯

鷓鴣

繡僕梅兼羽翼全楚雞非瑞莫爭先啼歸明月落
邊樹飛入百花深處煙避燒幾曾遺遠岫引雛時

見飲晴川荔枝初熟無人際啄破紅苞墜野田

尚書打毬小驄步驟最奇因贈

善價千金未可論燕王新寄小龍孫
逐將白日馳清漢銜得流星入畫門
步驟最能隨手轉性靈多恣會人
言桃花雪點多雖貴全假當場一顧恩

郡侯坐上觀琉璃瓶中游魚

寶器一泓銀漢水錦鱗纔動卽先知
似涵明月波寧隔欲上輕水律未移
薄霧罩來分咫尺碧綃籠處較毫釐
文翁未得沉香餌擬置金盤召左慈

蝴蝶 二首

縹緲青蟲脫殼微不堪煙重雨霏霏一枝穠豔留
教住幾處春風借與飛防患每憂雞雀口憐香偏
透綺羅衣無情豈解關寬夢莫信莊周說是非
拂綠穿紅麗日長一生心事住春光最嫌神女來
行雨愛伴西施去採香風定只應攢蕊粉夜寒長
是宿花房鳴蟬宿分殊爲潤空解三秋噪夕陽

蟬

寒鳴寧與衆蟲同翼鬣綾冠豈道窮殼蛻已從今
日化聲愁何似去年中朝催籬菊花開露暮促槐
庭葉墜風從此最能驚賦客計居何處轉飛蓬

螢

月墜西樓夜影空透簾穿幕達房櫳流光堪在珠
璣列爲火不生榆柳中一一點通黃卷字輕輕化
出綠蕪叢欲知應候何時節六月初迎大暑風

迴文二首

飛書一幅錦文迴恨寫深情寄鴈來機上月殘香
閣掩樹梢煙淡綠窓開霏霏雨罷歌終曲漠漠雲
深酒滿杯歸日幾人行問卜徽音想望倚高臺

輕帆數點千峰碧水接雲山四望遙晴日海霞紅
靄靄曉天江樹綠迢迢清波石眼泉當檻小逕松

門寺對橋明月釣舟漁浦遠傾山雪浪暗隨潮

七言排律

自詠十韻

只合滄洲釣與耕忽依螢燭愧功成未遊宦路叨
卑宦纔到各場得大名梁苑二年陪衆客溫陵十
載佐雙旌錢財盡是侯王惠骨肉借承里巷榮拙
賦偏聞鑄印賣惡詩親見畫圖呈

使宅行寅屈文
八體詩屬兩面

庚午秋使樓赴宴每
一倒翻讀八韻也

多栽桃李期春色濶鑿池塘

許月明寒益衿裯饒美寢出乘車馬免徒行粗支
菽粟防饑歉薄有盃盤備送迎僧俗共鄰棲隱樂

妻孥同愛水雲清如今便死還甘分莫更嫌他白
髮生

和尚書詠泉山瀑布十二韻

名齊火浣溢山椒誰把驚虹挂一條天外倚來秋
水刃海心飛上白龍綃民田鑿斷雲根引僧圃穿
通竹影澆噴石似煙輕漠漠濺崖如雨冷瀟瀟水
中蠶緒纏蒼壁日裏虹精挂絳霄寒漱綠陰仙桂
老碎流紅豔野桃天千尋練寫長年在六出花開
夏日消息恐劃分青嶂骨久應禰裂翠微腰濯纓
便可譏漁父洗耳還宜傲帝堯林際猿獮偏得飲

岸邊烏鵲擬爲橋赤城未到詩先寄廬阜曾遊夢
已遙數夜積霖聲更遠郡樓欹枕聽良宵

尚書會仙亭詠薔薇寅坐中聯四韻晚歸緝
所聯因成一篇

結緣根株翡翠莖勾芒中夜刺猩猩景陽粧赴嚴
鐘出楚峽神教暮雨情躑躅豈能同日語玫瑰方
可一時呈風吹嫩帶香苞展露灑啼思淚點輕阿
毋蕊宮期索去昭君榆塞關齋行藜高恐礙含光
燕架穩宜棲報曙鶯關日只憂燒密葉映堦疑欲
讓雙旌含煙散纈佳人惜落地遺鈿少妓爭丹渥

不因輸繡段錢圓誰把買花聲海棠若要分流品
秋菊春蘭兩恰平

七言絕句

偶題二首

買骨須求騏驥骨愛毛宜採鳳凰毛
鴛鴦燕雀堪何用仍向人前價例一作價數高

賦就神都一作長安振大名
斬蛇功與樂天爭歸來延

壽溪頭坐終日無人問一聲

鏡中覽

晨起梳頭忽自悲髻中親見數莖絲
從今休說龍

泉劍世上恩讐報已遲

初夏戲作

長養薰風拂曉吹漸開荷
芰落薔薇青蟲也學莊
周夢化作南園蛺蝶飛

杏園

杏苑簫聲好醉鄉春風嘉宴更無雙
憑誰爲謹穆
天子莫把瑤池並曲江

楚國史

六國商於恨最多良弓休綰劍休磨
君王不剪如簧舌
再得張儀欲柰何

張儀

荆楚南來又北歸
分明舌在不應違
懷王本是無心者
籠得蒼鷹却放飛

讀漢記

布衣空手取中原
勁卒雄師不足論
楚國八千秦百萬
豁開胸臆一時吞

李夫人 二首

不望金輿到錦帷
人間樂極卽須悲
若言要識愁中貌
也似君恩日日衰

招得香魂爵少翁
九華燈燭曉還空
漢王不及吳

王樂且與西施死處同

明妃

不用牽心恨畫工
帝家無策及邊戎
香魂若得昇
明月夜夜還應照漢宮

馬嵬

二百年來事遠聞
從龍誰解盡如雲
張均兄弟皆
何在却是楊妃死報君

依韻答黃校書

慈恩鴈塔參差榜杏苑
鶯花次第遊
白日有愁猶
可散
青山高臥况無愁

依韻贈南安方處士五首

七貴五侯生肯退，利塵名網死當拋。
黔婁寂寞莫嚴陵，臥借問何人與結交。

休把羸蹄踏雪霜，書成何處獻君王。
嵩山好與浮丘約，三十六峰雲外鄉。

百萬僧衆不爲僧，比君知道僅誰能。
無家寄泊南安縣，六月門前也似冰。

兩鬢當春却似秋，僻居誇近野僧樓。
落花明月皆臨水，明月不流花自流。

晉楚忙忙起戰塵，龔黃門下有高人。
一畦雲薤三

月二十三日
株竹席上先生未是貧

寄華山司空侍郎

仙掌林中第一人
鶴書時或問眠雲
莫言踈野全無事
明月清風肯放君

聞司空侍郎訃音

園綺生雖逢漢室
巢由死不謁堯階
八徵不起夫君沒

後何人葬合取夷齊隱處埋

傷進士謝庭皓

大願中以詞賦著名與寅不相上下也時號錦繡帷

獻書猶未達明君
何事先遊岱岳雲
惟有春風護
冤魄與先青草蓋孤墳

追和賈浪仙古鏡

誰聞黃帝橋山塚明月飛光出九泉
狼籍薜痕磨不盡黑雲殘點汗秋天

新刺襪

素手春溪罷浣紗巧裁明月半彎斜
齊宮合贈東昏寵好步黃金菡萏花

大夫松

五樹旌封許歲寒
槐柯攀葉也無端爭如澗底凌
霜節不受秦王號此官

薔薇

唐詩續集
朝露洒時如濯錦
晚風飄處似遺鈿
重門剩著黃金鏤
莫被飛瓊摘上天

蕉葉

綠綺新裁織女機
擺風搖日影離披
只應青帝行春罷
閒倚東牆卓翠旗

路傍草

楚甸秦原萬里平
誰教根向路傍生
輕蹄繡轂長相躡
合是榮時不得榮

猿

宿有喬林飲一溪
生來蹤跡遠塵泥
不知心更愁

何事每向深山夜夜啼

蝴蝶 三首

不並難飛繭裏蛾有花芳處定經過
天風相送輕飄去却笑蜘蛛漫織羅

冉冉雙雙拂畫欄佳人偷眼再三看
莫欺翼短飛長近試就花間捉也難

一作撲
已難

栩栩無因繫得他野園荒徑一何多
不聞絲竹誰教舞應使流鶯爲唱歌

卷終

戊籤餘五十六

唐音統籤卷八百九

黃滔字文江莆田人乾寧二年擢進士第光化中
守四門博士王審知據閩充武威軍節度推官監
察御史裏行幕府應用文及塔廟碑碣半出其手

中州人士避地者亦多主於滔云詩四卷

唐志滔集十五

卷久亡今傳世編畧十卷宋紹興中裔孫度及其
子汝嘉所輯也內詩二百五篇今補文苑英華二
篇滔別撰泉山秀句三十卷皆閩士詩等訪未得
洪邁云滔詩清淳丰潤若與人對語和氣郁郁
有貞元長慶風擊楊萬里云詩至晚唐益工滔
詩如寺寒三伏雨松偃數朝枝如青山寒帶雨古
木夜啼猿又如鷓鴣之一聲初觸夢半白
已侵頭與韓致光吳融輩並遊未知孰先

五言古詩

閨怨

妾家五嶺南君戍三城北
鴈來雖有書衡陽越不
得別久情易料豈在窺翰墨
塞上無煙花寧思妾
顏色

寓言

流年五十前朝朝倚少年
流年五十後日日侵皓
首非通非介人誰論四十九
賢哉蓮伯玉清風獨
不朽

秋夕貧居

聽歌桂席闌下馬槐煙裏
豪門腐梁肉窮巷思糠

批孤燈照獨吟半壁秋花死遲明亦如晦雞唱徒
爲爾

長安書事

終不離青山誰道雲無心卻是白雲士有時出中
林昨日攀紫泥明日要黃金炎夏羣木死北海驚
波深伏蒲無一言草疏賀德音

寄徐正字寅

八月月如水登樓見姑射美人隔千里相思無羽
駕紅顏長露衰誰以流光訝何當詩一句同吟祝
玄化

書懷寄友人

此生如孤燈素心挑易盡不及如頑石非與磨礱
近常思揚子雲五藏曾離身寂寞一生中千載空
清芬

寄友人

君愛桃李花桃李花易飄妾憐松栢色松栢色難
凋當年識君初指期非一朝今辰見君意日暮何
蕭條人間有勢利孰能無囂囂

喜翁文堯員外病起

衛玠羊車懸長卿駟馬姿天嫌太端正神乃戒風

儀飲冰俾消渴斷穀皆清羸越僧誇艾炷秦女隔

花枝自能論苦罷

語見泗州和尚碑

不假求良醫驚殺瘴

濱鬼錯與劉生隨昨日已如虎今一禹荀池揚鞭
入王門四面人熙熙青桂任霜霰尺壁無瑕疵迴
塵却惆悵歸闕難遲遲

賈客

大舟有深利滄海無淺波利深波也深君意竟如
何鯨鯢齒上路何如少經過

送僧歸北巖寺

北巖泉石清本自高僧住新松五十年藤蘿成古

樹題詩昔佳士

潘表丈從叔有名於當時兼四門薛博士俱曾題詩

清風二

林喻上智失扣關多被浮名誤蓮扇歷月澗空美
黃金布江翻島嶼沉木落樓臺露伊余東還際每
起煙霞慕旋爲儉府招未得窮野步西軒白雲關
師辭洞庭寓越城今送歸心到焚香處

落花

落花辭高樹最是愁人處一一旋成泥日暮有風
雨不如砂上蓬根斷隨長風飄然與道俱無情任
西東

五言律詩

河梁

五原人走馬昨夜到京師
繡戶新夫婦河梁生別離
離隴花開不艷羌笛靜
猶悲惆悵良哉輔劍鏘立
鳳池

秋晚山居

爽氣遍搜空難堪倚望中
孤煙愁落日高木病西
風山寂樵聲出露涼蟬思
窮此時塵外事幽然幾
人同

貧居冬杪

數塞未求通吾非學養蒙
窮居歲杪雨孤坐夜深

風年長慙昭代才微辱至公還愁把春酒雙淚汚
盃中

書事

望歲心空切耕夫盡把弓千家數人在一稅十年
空沒陣風沙黑燒城水陸紅飛章奏西蜀明詔與
殊功

書懷

退耕逢歉歲逐貢愧行朝道在愁雖淺吟勞鬢欲
凋破村虹入井孤客館投飀誰怕秋風起聽蟬度
渭橋

退居

老歸江上村，孤寂欲何言。
世亂時人物，家貧後子孫。
青山寒帶雨，古木夜啼猿。
惆悵西川舉，戎裝度劍門。

秋辭江南

灞陵橋上路，難負一年期。
積雨鴻來夜，重江客去時。
勞生多故疾，漸老少新知。
惆悵都堂內，無門雪滯遺。

旅懷

蕭颯聞風葉，驚時不自堪。
宦名中夜切，人事長年

諳古畫僧留與新知客遇談鄉心隨去鴈一一到
江南

晚春關中

忍歷編莊出東風舞酒旗百花無看處三月到殘
時遊塞聞兵起還吳值歲饑定唯荒寺裏坐與噪
蟬期

關中言懷

三秦五嶺意不得不依然跡寓枯槐曲業蕪芳草
川花當落第眼雨墻出城天層閣浮雲外何人動
管絃

入關旅次言懷

寸心唯自切上國與誰期
月晦時風雨秋深日別離
便休終未肯已苦不能疑
獨愧商山路千年四皓祠

下第

昨夜孤燈下闌干泣數行
辭家從早歲落第在初場
青草湖田改單車客路忙
何人立功業新命到封王

下第出京

還失禮官求花時出雍州
一生爲遠客幾處未曾

東晉新錄
遊故疾江南雨單衣薊北秋茫茫數年事今日淚
俱流

逢友人

彼此若飄蓬二年何所從帝都秋未入江館夜相
逢瘴嶺行衝夏邊沙住隔冬旅愁論未盡古寺扣
晨鐘

冬暮山舍喜標上人見訪

寂寞三冬杪深居業盡拋逕松開雪後砌竹忽僧
敲茗汲水銷溜鑪燒鵲去巢共談慵僻意微日下
林梢

遊山

洞門穿瀑布塵世豈能通
曾有遊山客來逢採藥
翁異花尋復失幽逕躡還窮
擬作經宵計風雷立
滿空

過商山

燕鴈一來後人人盡到關
如何衝臘雪獨自過商
山羸馬高坡下哀猿絕壁間
此心無處說鬢向少
年斑

遊東林寺

平生愛山水下馬虎溪時
已到終嫌晚重遊預作

期寺寒三伏雨松偃數朝枝翻譯如曾見白蓮開
舊池

憶廬山舊遊

前年入廬嶽數宿在靈溪殘燭松堂掩孤峰月狎
啼平生爲客老勝境失雲棧縱有重遊日煙霞會
恐迷

陳侍御新居

幕客開新第詞人遍有詩山隣九仙近石買太湖
奇樹勢想高日地形誇得時自然成避俗休與白
雲期

題王侍御宅內亭子

俗間塵外境，郭內宅中亭。或有人家剝，還無蓮幕馨。石曾湖岸見，琴誤嶽樓聽。來客頻頻說，終須作畫屏。

書崔少府居

文苑英華作
贈李補闕

魯史蜀琴旁，陶然舉一觴。夕陽明島嶼，秋水淺池塘。世亂憐官替，家貧值歲荒。前峰亦曾宿，知有辟寒方。

題友人山齋

到君棲跡所，竹迳與衡門。亦在乾坤內，獨無塵俗

喧新泉浮石，辭崩壁露松根。更說尋僧處，孤峰上
嘯猿。

題友人山齋

疎竹漏斜暉，庭間陰復遺。句成苔石茗，吟弄雪窓
碁。沙草泉纏澁，林齋客集遲。西風虛見逼，未擬問
京師。

題山居逸人

十畝餘蘆葦，新秋看雪霜。世人誰到此，塵念自應
忘。斜日風收釣，深秋雨信梁。不知雙闕下，何以謂
軒裳。

題鄞山人居

履迹遍莓苔幽枝間藥栽枯杉擎雪朶破牖觸風
開泉自孤峰落人從諸洞來終期宿清夜斟酌茗
說天台

題東林寺元祐上人院

廬阜東林寺良遊耻未曾半生隨計吏一日對禪
僧泉遠携茶看峰高結伴登迷津出門是子細問
三乘

題道成上人院

花宮城郭內師住亦清涼何必天台寺幽禪瀑布

房簾舒湘竹滑茗煮蜀牙香更看道高處君侯題
翠梁

上刑部盧員外

誰識在■意開門樹色間尋幽頻宿寺乞假擬游
山半白侵吟髯微紅見藥顏不知琴月夜一作今夜月
幾客得同閒

上李補闕

十洲非暫別龍尾肯慵登諫草封山藥朝衣施衲
僧月留江客待句歷釣船微終恐林棲去餐霞葉
上昇

贈友人

超達陶子性留琴不設絃
覓句朝忘食傾杯夜廢
眠愛月影爲伴吟風聲自連
聽此鶯飛谷心懷迷
遠川

敷水盧校書

九霄無詔下何事近清塵
宅帶松蘿僻日唯猿鳥
親吟高仙掌月期有洞庭人
莫問煙霞句懸知見
嶽神

贈明州霍員外

補

惠化如施雨鄰州亦可依
正衙無吏近高會覺人

稀海日旗邊出沙禽角外歸四明多隱客閒約到
巖扉

貽張蠟

夢思非一日携手却懷涼詩見江南電遊經塞北
霜驅車先五漏把菊後重陽惆悵天邊桂誰教歲
歲香

貽林鐸

終被春闈屈低回至白頭寄家僧許嶽釣浦雨移
洲戰士曾憐善豪門不信愁王孫草還綠何處擬
羈遊

貽李山人

野步愛江濱江僧得見頻
新文無古集往事有清塵
松竹寒時雨池塘勝處春
定應雲雨內陶謝是前身

贈懷光上人

謝城還擁入師以接人
勞過午休齋慣離經吐論
高頂寒拳素髮珠銳走紅條
終憶泉山寺聽猿看海濤

和友人酬寄

新發煙霞詠高人得以傳
吟銷松際雨冷咽石間

泉大國兵戈日故鄉饑饉年相逢江海上寧免一

潛然

東山之遊未遂漸逼行期作四十字奉寄翁

文堯員外

輶車難久駐須到別離時北闕定歸去東山空作
期緣苦勞掃徑丹鳳欲啣詞楊柳開帆岸今朝淚
已垂

寄敷水盧校書

補

諫省垂清論仙曹豈久隔雖專良史業未畏直臣
心路入丹霄近家藏華嶽深還如韓吏部誰不望

知音

寄李校書遊簡寂觀

古觀雲溪上，孤懷永夜中。
梧桐四更雨，山水一庭風。
詩得如何句，仙遊最勝宮。
卻愁逢羽客，相與入煙空。

寄鄭縣李侍御

古縣新煙火，東西入客詩。
靜長如假日，貧更甚閒時。
僧借松蘿住，人將雨雪期。
三年一官罷，嶽石看成碑。

寄少常盧同年

官拜少常休青緇換鹿裘
任歌離樂府醉夢到瀛洲
古罷巖耕得神方客謎留
青溪莫沉鈞王者或
畋遊

寄湘中鄭明府

縣與白雪連滄州
况縣前嶽僧同夜坐
江月看秋圓
琴拂莎庭石
茶擔乳洞泉
莫耽雲水興
疲俗待君痊

寄林寬

相知四十年
故國與長安
俱喜今辰在
休論往歲難
海鳴秋日黑
山直夏風寒
終始前儒道
昇沉盡

一般

寄陳磻隱居

道經前輩許名拔後時喧虛左中興勝無先北海
鑄新文漢氏史別墅謝公村須到三徵處堂堂謁
帝關

寄邊上從事

斜日下孤城長吟出點兵羽書和客卷邊思雜詩
情朔雪定鴻翼西風嚴角聲吟餘多獨坐沙月對
權生

寄漢上友人

唐音新集
襄漢多情景東遊已不能蒹葭照流水風雨撲孤
燈獻賦聞新鴈思山見去僧知君北來日惆悵亦
難勝

寄友人山居

斷橋滄江上相思恨阻尋高齋秋不掩幾夜月當
吟落石有泉滴盈庭無樹陰茫茫名利內何以拂
塵襟

寄從兄璣

縱徵終不起相與避煙塵待到中興日同看上國
春新詩說人盡舊宅落花頻移覓深山住啼猿作

四鄰

送翁拾遺

還家還赴闕別思肯淒淒
山坐輶車看詩將諫筆
題天開中國大地設四維
低拜舞吾君後青雲更
有梯

送陳明府歸衡陽

鷓鴣兼留下單車出柳煙
三年兩殊考一日數離
筵久別湖波綠相思嶽月圓
翠蘿曾隱處定恐卻
求仙

送陳樵下第東歸

月正新重
青山京若石滄海寄家船雖得重吟歷終難任意
眠碓疎連寺柳風爽徹城泉送目紅蕉外來期已
杳然

送李山人往湘中

漢渚往湘川乘流入遠天新秋無岸水明月有琴
船露坐應通曉萍居恐隔年嶽峰千萬仞知上嘯
猿巔

送友人邊遊

銜盃國門外分手見殘陽何日還南越今朝往北
荒沙城經雨壤虜騎入秋狂親詠關山月歸吟聲

的霜

送友人遊邊

虜酒不能濃縱傾愁亦重關河初落日霜雪下窮
冬野燒枯蓬旋沙風正馬衝薊門無易過千里斷
人蹤

一作薊門雖漢
士遊子莫從容

別友人

莫恨東牆下頻傷命不通苦心如有感它日自推
公雨夜扁舟發花時別酒空越山煙翠在終媿臥
雲翁

傷翁外甥

厚音影金
江頭去時路歸客幾紛紛獨在異鄉歿若爲慈母
聞市春成大夜新雨壞孤墳應作芝蘭出泉臺月
柱分